

UN

POCO

DI TUR COS

Jossy M. Mansur

Combustion ta un reaccion quimico den cual un substancia ta combina cu oxigeno y ta libera calor y luz.

Anopimo: Un cacho tin mas amigo cu un persona pasobra e ta move su rabo mas cu su lenga.

E prome disco di Jazz cu a ser traha tabata tin "Indiana" na un banda y "The Dark Town Strutters Ball" na e otro. El a ser graba pa Columbia na New York cerca di 30 di January 1917, pa Original Dixieland Jazz Band, dirigi pa Dominick (Nick) James La Rocca. E disco a ser poni ariba mercado dia 31 di Mey 1917.

Un molusco di Senegal (Murex Satatilis), ora cu e cera e apertura di su cocolishi, ta los un substancia cu ta ser destila pa produci un di e perfumenan mas costoso di India.

Na aña 1050 Prome cu Cristo, e Filistinonan a conquista Israel.

Leibnitz: "Lo presente, producto di pasado, ta engendra na su vez lo futuro".

Un compound ta un substancia cu ta consisti di dos of mas elemento den combinacion quimico.

Entre e tapijtnan antiguo, esun mas grandi tabata uno di seda recama cu oro, di Hashim (aña 743) di e Califato Abasida, na Bagdad, Iraq. E ta midi 54.86 pa 91.44 meter!

Richard K. Kirk: "Nos amigonan ta un bendicion triple: nan ta bin, nan ta keda, y nan ta bay".

E record individual pa baliamento continuo den un sala di baile ta di 106 hora, 5 minuut y 10 seconde. El a ser logra pa Carlos Sandrini na Buenos Aires, Argentina, na September 1955. Tres muher a sirbi como su partnernan durante e implantacion di e record.

Bo tabata sa cu Mickey Mantle, durante su carera como hungador den grandes ligas, a logra un averaje superior na .300 den 10 ocasion? Su averaje mas halto tabata .365, cu el a logra na aña 1957. El a logra e averaje superior na .300 tambe den 5 wega consecutivo, o sea di 1954 pa 1958!

Witter Byneer: "E mihor manera pa un dirigente sobresali ta ora cu pueblo apenas sa cu e ta existi".

Samuel, e ultimo di e Jueznan Israeli, a hunta Saul cu azeta den señal cu e ta bira e Rey di Israel na aña 1020 Prome cu Cristo. Samuel a guia rebelionnan exitoso contra e Filistinonan.

E cigarilla mas popular na mundo ta "Marlboro", fabrica cu filtro pa Phillip Morris Company. Na aña 1982 e compania a bende 237.082 millon di unidad!

Hannah Arendt: "Amor, diferente di amistad, ta muri of ta extingui na e momento cu e ser mustra den publico".

Gruponan afilia ta lamenta :

SAC y Gobierno ta tuma decisionnan sin previo consulta

ORANJESTAD(AAN) — Den un reunion entre e gruponan afilia enconexion cu e desicion di SAC y Gobierno pa mantene e ruta actual, e siguiente decisionnan a ser tuma: 1. Cu SAC y Gobierno ta ser pidi pa pone baricada y garantisa proteccion den Vondellaan y parti di L.G. Smith Boulevard. Si esaki no tuma lugar e participantenan lo no baila den e caya ariba menciona, pero lo cuminsa cu e berdadero celebracion den L.G. Smith Boulevard.

2. Cu si Wilhelminastraat keda mantene, anto e gruponan lo stop di baila banda di Plaza Shopping Center.

3. Cu si SAC y Gobierno no tuma na cuenta e puntonan ariba menciona cu otro aña den celebracion di e di 35 aña di Aruba su carnaval, e gruponan afilia lo no tuma parti na e paradanan.

4. Cu gruponan afilia ta lamenta cu SAC y Gobierno no ta tuma cierto decisionnan sin previo consulta cu e directiva di e gruponan afilia, mientras cu durante C.T.C y Caribson ta e gruponan un biaha

mas a saca cara di Aruba. Sugerencianan pa tanto SAC y Gobierno cuminsa haci estudionan di con e parada di carnaval, aia tras di aña ta birando mas chikito, poco interes di participantenan.

Pa tanto SAC y Gobierno pensa den cual direccion nan por cuminsa yuda Centronan di bario y schoolnan pa asina nan tambe por sigui tuma parti na e parada di carnaval.

Pa tanto SAC y Gobierno motiva y stimula mas gruponan pa tuma parti na e celebracion di Aruba su carnaval pa asina por conta atrobe cu mas di

10.000 participante. Awor tin menos cu 2.000.

Gruponan afilia ta spera cu SAC y gobierno lo tuma na consideracion ariba e puntonan ariba menciona.

E gruponan afilia a manda copia di e carta aki na directiva di SAC y tambe na Ministerraad. E gruponan afilia ta Esso Club, Divi Patin Pret hende grandi y mucha, Santa Cruz hende grandi y mucha, Maritza Reyes, John Flemming, Silvia Lourens, Savaneta mucha y hende grandi, Hospital Tuff Kids, Andres Rasmijn, Cupidos, Swinda San Nicolas.

Comision a haya permiso pa demostracion awe tardi

ORANJESTAD (AAN) — Tur cos ta cla pa e demostracion cu e Comision di tres persona a pidi pa awe tardi.

Manera ta conoci tres persona cu ta Feliciano, Boekhoudt y Becker a pidi un permiso pa demostra awe tardi dilanti di Oficina di Gobierno.

E marcha di protesta ta sali for di dilanti di Plaza Betico Croes pa Oficina

di Gobierno.

Tur cos tabata indica cu e demostracion aki lo no sigui debi cu e organisadornan no tin vergunning, pero ayera merdia nan a keda cla.

Lo tin borch, bandera y varios material pa demostra contra Gobierno.

E demostracion lo ta di 4,30 pa 6,30.



NAN TEY E T-SHIRT NAN di DIARIO

Pasa compra di bo pa SOLAMENTE Fls.7,- y bo por participa den E CONCURSO di DIARIO cu tin como prome premio Fls. 250,- CASH ! mas DIEZ PREMIO di Fls.50,-

Pasa awe sin falta y compra bo T-SHIRT DI DIARIO yena un coupon y bo tambe ta participa den nos concurso.

Nos tin size: 30 - 32 - 34 - 40 - 42 y 44
PURA NO KEDA AFO !!!